

玉峽公餘錄

施廣德題

玉峽公餘錄弁言

有地百餘里，部屬之吏，自祕書科長以下，以及地方各機關之賢達，無慮數百人，或以德行著，或以才能顯，或以技藝用，或以資歷取，分程並進，各展其長，以一縣之人才，辦一縣之劇務，躋躋踰躋，亦可謂衆矣，雖然，人事衆多者，其品彙自不能齊，苟有邊幅不修之士，廁雜其間，則羣居終日，言不及義，以至於惰棄職務者有之，或遲到早退，自便其私，而不遵守辦公規則者有之，至其甚者，則弁髦法令，蕩檢逾閑，以賭博竹戰為公餘之常業者，亦往往而是，嗚呼，此公務員之玷污，而縣政之所由敗壞者也，今予之宰是邦也，本以輕才負荷重任，覆餗之譏，虎尾之履，實所深懼，而地方懷瑾握瑜之士，蓄德守道之人，咸不以予之禱昧而見鄙夷，匡之植之，輔之翼之，俾予於縣政之設施，不至有繆

誤不經之處，不特此也，又於公餘之暇，各以所長，分成小組，羣聚肄習，以圖進修，有戲劇組、籃球組、拳術組、象棋組、詩文組之別，互相觀摩互相研討，有人才衆多之用，而無賭博腐化之玷，其所以超尋常而納於軌物者，將在斯乎，予生也魯，於他藝能，自度毫無所善，獨於詩文，性頗好之，每見本府同僚及地方賢達有所述作，杜詩韓筆之雄，宋豔班香之作，輒愛玩不忍釋，而碎金屑玉棄置篋笥，晦而不彰，寧不可惜，此玉峽公餘錄之所以輯編也，春秋傳曰，不有君子，其能國乎，今此邦多士既有事業之表見，又有學術之互勉，進德修業，日新不已，行見大同之治，其將濫觴於茲邑乎，予拭目以俟之，民國三十五年二月峽江縣縣長宜春施廣德謹識。

玉峽公餘錄目錄

弁言

施廣德

目次

學術類

老子哲學管闡

陳培亮

文類

上曹主席書

峽江徘徊山金氏族譜序

施廣德

行健中學十週年紀念贊詞

施廣德

峽江縣政府三十五年施政計劃導言

施廣德

詩詞類

五古七首

徐霖等

七古三首

毛世俊等

玉峽公餘錄目錄

玉峽公餘錄目錄

五律九首

七律二十五首

七絕二十首

詩餘十三首

楹聯三十首

頌一首

日記

倭寇竄峽九日記

附損失表

跋

二

陳培亮等

施廣德等

毛世俊等

毛定和等

毛鴻圖等

毛定和

施廣德

徐霖

玉峽公餘錄

學術類

老子哲學究闢

一 老子考異

世傳老子，人各異辭，不但生平事略，傳說不一，就是對於他的姓名和所處的時代，也莫衷一是。現在我們要明瞭老子的時代背景，以探討他的學說底內容，頗感困難。若從古史，應以史記爲較可靠，但據江瓌謚子卮言，則云：史記謂老子字伯陽，謚，係後人所竄改，非史記原文；

「余斷言之曰：惟史記謂字伯陽，謚，爲後人所竄改，非史記原文。古之史官，世守其職，自堯迄周，皆一統之相傳，其老彭，鏗，彭祖，老聃，老僖，老耽之異稱，非一人，即一家也。」

姚惜抱老子章義序，也說史記所稱，爲唐玄宗以後，用河上公法所改：



「太史公書，不甚知姓氏之別。又自唐以前，讀者差不若漢書之詳，故文多舛誤。夫老子老其氏也，聊其字也。太史公文蓋曰：老子者，楚苦縣厲鄉曲仁里人也。姓李氏，名耳，字聃，周守藏之史也。漢末妄以老子爲仙人不死，故唐固注國語，以爲即伯陽父，流俗妄書，乃謂老子字伯陽，此君子所不宜道。當唐之興，自謂老子之裔，於是移史記列傳以老子爲首，而媚者遂因俗說以改司馬之舊文，乃有字伯陽諡曰聃之語，吾決知其妄也。老子匹夫耳，固無諡，苟弟子能以諡尊之，則必舉其令德，烏得曰聃。」

依上兩說，則史記所稱，誠難免無疑。照情理推測，老子常爲高年的尊稱，應非姓氏。古稱彭祖八百歲，孔子曰：竊比於我老彭，可見所謂彭祖，老子，老彭，應該都是尊敬的稱呼，實則同爲一人。並且「彭」字是指彭城而言，也不是姓彭的意思，姚惜抱說：

「老子所生，太史公曰：楚苦縣，或曰，陳國相人。莊子載孔子陽子朱皆南之沛見老子，夫宋國有老氏而沛者宋地，言老子所生，三者說異，而莊子尤

古，宜得其真，然則，老子其宋人子姓耶？子之爲李，語轉而然，猶姒姓之或以爲弋也。彭城近沛，意聃嘗居之，故曰老彭，猶展禽稱柳下也。皆時人尊有道者而氏之。」

又據畢沅老子道德經考異序說：

「按古聃，僭字通，說文解字有聃字云耳曼也。又有聃字云垂耳也。呂覽則瞻耳字並作僭。淮南玉書，瞻耳字皆作聃。說文解字又有聃字云耳大垂也。蓋三字聲義相同，故並借用之。」

這樣說來，老聃、老僭、老聃，也是同爲一名，不過字義之假借罷了。再證以江陵的說，雖不必謂爲定論，但已使我們得到一個概念了。不過古稱老萊子，是否亦即爲老子，還屬疑問，據汪中述學所說：

孔子稱老萊子，大傳禮衛將軍文子篇，史記仲尼弟子列傳，亦載其說，而所云貧且弱者，隱君子之文，正合，老萊子之爲楚人，又見漢書藝文志，蓋即苦縣厲鄉曲仁里也。而老聃之爲楚人，又因老萊子而誤，故本傳老子語

孔子，去子之驕色與多慾，態心與淫志。而莊子外物篇則曰：老萊子謂孔子：去汝躬矜，與汝容知。國策載老萊子語孔叢子。抗志篇以爲老萊子語子思。而說苑敬慎篇則以爲常樅教老子。然則，老萊子之稱老子也舊矣。實則三人不相蒙也。

可見老子與老萊子，實係兩人。老子是苦縣人，而老萊子是楚人。但爲什麼會兩人混稱呢？據史記，老萊子曾著書十五篇，（藝文志作十六篇）也爲道家之言，且與孔子同時，故或遂與老子混而莫辯了。

老子之姓氏問題，既如此的複雜，那末，道德經果爲何時何人所作？確實也成疑問。據崔東壁遺書洙泗考信錄云：

一今史記之所載老之言，皆楊朱之說耳，其文亦似戰國諸子，與論語春秋傳之文，絕不相類也。此蓋莊列之徒，因相傳有孔子與冉論禮之事，遂從而增益附會之，以誑孔子，而自張大其說。世家不察，而誤采之，惑矣。道德五千言者，不知何人所作，要必楊朱之徒之所僞托」。

其實老子一書若論章句，頗有顛倒錯亂之處，容或確有後人竄易或插入的話，但體系和語氣，仍屬整貫，大體當係出自一人的手。不過論時代，我們也承認多半是戰國以後的產品，日人遠藤隆吉的老子辯，也有這樣的一段話：

「老子中言語文字，近似秦漢，如曰，大道廢有仁義，又如曰，失德而後仁，失仁而後義，此孟子七篇之餘論也。曰，希言自然，曰：知者不言，言者不知，此似斥堅白異同之辯也，曰：法令滋彰，盜賊多有，曰：其政察察，其民缺缺，此似言刑名苛察之言也。曰：將欲取天下而爲之，吾見其不得已也，曰：故取天下常以無事，及其有事，不足以取天下，此似言七雄之爭也。曰：師之所處，荆棘生焉，大軍之後，必有凶年，此似言六國之兵也。曰：侯王自稱孤寡不穀，曰：人之所惡，惟孤寡不穀，而王公以爲稱，此所謂侯王，似指戰國之諸侯也。曰：君子居則貴左，用兵則貴右，曰，偏將軍居左，上將軍居右，此似指戰國之禮節而言也。吾是以知老子生於戰國之季也。」

任何一種學術思想，必有他的時代背景，而物極必反，也是很普通的現象。戰國的局面，混亂已極，老氏或因感受當時的激刺太深，遂產生這種革命的思想，亦猶發生第一次歐戰，遂有羅曼羅蘭一般的反戰思潮之倡導。比如有秦之暴，遂有漢之寬，這都是很自然的時代反應。雖然遠藤氏的論調，並不足以爲實證，但老子的學說，是受了戰國時代的影響，這似乎是可以相信的。

二 本體論

我們研究老子的哲學思想，可以拿他的本體論來做個綱要。老子的本體論，很有條理，對於體用的關係，談得非常清楚，若把他分晰起來，他所包含的有體的體，體的用，用的體，用的用。他說：

「有物混成，先天地生，寂兮寥兮，獨定而不改，周行而不殆，可以爲天下母，吾不知其名，名之曰道。」

道既先天地而生，天地有盡窮，而道乃無盡窮，道之爲物，其博大悠久也如此，這便是本體了。又曰：

「道生之，德畜之，物形之，勢成之，是以萬物莫不尊道而貴德。」

「道」雖博大無窮，祇爲天下母，而畜之者「德」，既不可捨道而言德，亦未可有道而無德。周易的乾坤二卦，至哉乾元，萬物滋始，至哉坤元，萬物滋生，也便是這個道理。所以以道爲體，而德便是道的用了。但道與德，究又從何而來的呢？老子以爲「無」，才是萬有的根源。「無」又是什麼東西呢？就是指自然而言。他說：

「天地萬物生於有，有生於無」。又說：

「人法地，地法天，天法道，道法自然」。

所以「無」又是「道」的體，而以「有」爲用。「有」爲「無」的用，又爲「德」的體。若把他排列起來，可得左式：

體
體的用……道（常道）
體……無（自然）

用〔用的體……有（萬有）
用的用……德（元德）〕

老子對於這個基本的觀念，在道德經開宗明義第一章，便已說得非常透澈：

「道可道，非常道；名可名，非常名；無，名天地之始，有，名萬物之母。

故常無，欲以觀其妙，有，欲以觀其微。此兩者同出而異名，同謂之玄，玄之又玄，衆物之門」。

這個常道，爲何便不可道？因爲道既效法自然，而自然的本身是不可揣摩，不可形容，而作用却非常廣大的東西。孔子所謂：天何言哉！四時行焉，百物生焉，天何言哉！這裏所謂天，也便是指自然而言。因其不言，而矯健剛正，四時序行，百物以生，所以爲妙。宇宙間一切有形的物，都是相對的，只有自然的法則，是不變的，也只有自然的現象，是絕對的善，是超越時間空間的真理。依照天地萬物生於有，有生於無，和天法道，道法自然兩句話，可知「無」即是自然。所謂故常無，欲以觀其妙，常有，欲以觀其微，就是說本自然以循道，由萬物以

明德。所以「無」爲體，「有」爲用；「道」爲體，「德」爲用，而「道」與「無」，是形而上的，「有」與「德」，是形而下的。形而上爲宇宙觀，形而下爲人生觀，老子的人生觀，便是根據他的宇宙觀而來，故他對於人生，主張一切都應以簡馭繁，效法自然，無爲而無不爲的。我們若先把握這個體用的綱領，去研究老子，那末老子的哲學思想，便可一派貫通了。

三 政治論

老子對於政治的主張，完全是受時代的反感。自來聖哲，都是想要追尋真理，解決人生一切問題，解決現實一切痛苦。母論是釋氏或孔孟，同是一個出發點。不過所持之態度，所認的真理，和所用的方法，各有不同。佛家是主出世的，超脫的；儒家是主入世的，保守的；而老子乃是主張效法自然，反樸歸真，根本反抗一切人爲的制度，以利用自然爲方法，復歸自然爲目的。所以他對政治的主張，就是無治主義。他說：

「愛民治國，能無爲乎？」

無爲究有什麼作用呢？他以爲人生若能守靜無爲，天下便會安然無事。

「我無爲，而民自化，我好靜，而民自正，我無事，而民自富，我無欲，而民自樸。」

人們一切苦樂安危，形殊性異，各各不同。此以爲樂，彼或以爲悲；此以爲安，彼或以爲危。一切人爲的制度，無非範疇。既未能各適其性，便不能澈底解決亂源。揚湯止沸，不如釜底抽薪。所以老子以爲反亂爲治的澈底辦法，莫善於順應自然，各適其性。

將欲取天下而爲之，吾見其不得已。天下神器，不可爲也，爲者敗之，執者失之。故物或行、或隨、或隨、或吹、或吹、或強、或強、或贏、或載、或載、或隳。

無爲並不是真正的消極作用，其實無爲而即無不爲，天道不言而萬物皆遂其生，且莫能超越自然法則的範圍，若有爲，就違反了自然，便欲益反損了，所謂以不變應萬變，便是這個作用。

一道常無爲而無不爲，侯王若能守之，萬物將自化，化而欲作，吾將鎮之以

無名之樸；無名之樸，夫亦將無欲，不欲以靜，天下將自定。」

「爲學日益，爲道日損，損之又損，以至於無，爲無爲而無不爲矣。故取天下，常以無事，及其有事，不足以取天下。」

「常有司殺者殺，夫代司殺者殺，是謂代大匠斲，夫代大匠斲，希有不傷其手者矣。」

這還只是說明清靜無爲的作用，但有什麼方法以達到這種作用的目的呢？換句話說，就是要怎樣才可以反於自然呢？老子以爲要教人清心寡慾，反本歸真，必須先行打破物質觀念，才能避免人心的作僞；物質愈充塞，人慾愈橫流，而爭奪禍害，悉由此而生。所以他說：

「五色令人目盲，五音令人耳聾，五味令人口爽，馳聘田獵，令人心發狂，難得之貨，令人行妨。」

智巧和物質，既爲社會禍亂的厲階，就不應該尊尙。若是沒有這些亂源，社會自然安定，國家也自然太平了。

「不尙賢，使民不爭；不貴難得之貨，使民不爲盜；不見可欲，使心不亂。是以聖人之治，虛其心，實其腹，弱其志，強其骨。常使民無知無欲，使夫知者不敢爲也，爲無爲，則無不治。」

一切法令，原是想範圍人民的行動；一般教化，原是想糾正人民的意志，但終竟勝不了物欲之誘惑，知巧之播弄。所謂：

「天下多忌諱而民彌貧。民多利器，國家滋昏。人多技巧，奇物滋起。」

「法令滋彰，盜賊多有。」

「民不畏死，奈何以死懼之！」

所以他主張絕聖智，廢巧利，以抑亂源。

棄

「絕聖棄智，民利百倍；絕仁棄義，民復孝慈；絕巧棄利，盜賊無有」

且所謂善惡都是相對的，只有自然的天道，才是絕對的真善。要達到這個真善的境界，須使人無積習的成見，無人我的畛域，無善惡的區分。既無人我，無善惡，則一切善善惡惡的心，也無從而生。故老子爲要達到無爲而治，不但反對物質和知巧，並且連善惡的觀念，都給他打破。

「天下皆知美之爲美，斯惡矣。皆知善之爲善，斯不善矣。」

「善之與惡，相去若何，人之所畏，不可不畏！」

老子既効法自然，無爲而治，所以他對政治的主張，不但要抑止人們的物欲，鄙棄人們的知巧，尤其反戰爭。他是一位極端的非攻主義者。他說：

「以道佐人者，不以兵強天下，其事好還。師之所處，荆棘生焉，大車之後

，必有凶年。故善者果而已，不敢以強取，果而勿矜，果而勿伐，果而勿驕，果而不得已，果而勿強。物壯則老，是謂不道，不道早已。夫佳兵者，不祥之器，物或惡之。故有道者不處。君子居則貴左，用兵則貴右。兵者不祥之器，非君子之器，不得已而用之，恬澹爲上。勝而不美，而美之者，是樂殺人，夫樂殺人者，不可得志於天下矣。」

照這樣看來，老子的非攻主義，也並不是專門教人挨打，或坐以待斃。不過以爲好挺干戈，並非取勝的好辦法。我既犯人，安知人不以此犯我，此爭彼奪，那有寧日。要想克服一切強暴，只有以柔克剛，以哀制驕。所以他對於柔道的作用，非常重視。

「天下之至柔，馳聘天下之至堅。」

「柔弱勝剛強。」

「夫惟不爭，故天下莫與之爭。」

怎樣見得柔弱反可以勝剛強？老子更取水爲喻：

「上善若水，水善利萬物而不爭。」

「天下莫柔弱於水，而攻堅強者，莫之能先，以其無以易之也。故柔之勝剛，弱之勝強，天下莫不知，莫能行。」

柔弱的作用，既如此其大，所以不爭，便是根本的制勝，守靜，即可制動了。

「知其雄守其雌，爲天下谿。」

「致虛極，守靜篤，萬物並作，吾以觀其復。夫物芸芸，各歸其根，歸根曰靜，靜曰復命，復命曰常，知常曰明，不知常妄作凶，知常容，容乃公，公乃王，王乃天，天乃道，道迺久，沒身不殆。」

老子對於政治，既排斥繁雜的法令，倡無治主義，且認一切知識，都是人類取巧的工具，不免拾高慾望，惹起爭端，皆應抑止；戰爭更是人類禍害的因素，尤其竭力反對，那末，他理想中的國家，究竟是怎樣的境界呢？他有一段話，描寫得很爲清楚：

「小國寡民，使有什伯之器而不用，使民重死而不遠徙。雖有舟車，無所乘之；雖有甲兵，無所陳之；使民復結繩而用之。甘其食，美其服，安其居，樂其俗，鄰國相望，雞犬之音相聞，民至老死不相往來。」

這簡直和陶淵明的桃花源記所描寫的境界，完全相似。果能如此，當然便是黃金世界了！

四、結論

老子的思想，在現代人的眼光中看來，或者覺得未免太消極；在科學的世界，

強權的世界，那有這種思想存在的餘地！若人家已用機器生產，我們還過手工業的生活；我們拿着步槍，去抵抗人家的原子彈，尙且必不能以圖存，何況主張捲甲棄兵，絕巧棄利呢？我們果站在這種立場去批評老子，自然是覺得無可取材。但我以為道德經五千言，純是哲理，而非條律。哲學原是真理的啓發，非同呆板的法律和條規，專求現實的應用。我們不能以時間空間所限制的現實，去否定真理的價值。關於哲學，只須問它是否合乎真理；毋須固執現實的觀念。真理本是站在現實的遙遠底前面，只有現實追求真理，斷無真理依傍現實的道理。老子開頭便說：道可道非常道，可見他立言的立場，就和儒家根本不同。孔孟何嘗不講道德，所講的道德，又何嘗不是引導人類的上進，不過孔孟是王者之治，順勢利導；而老子乃是宇宙真理的追求，超越了為時間空間所限制的功利主義罷了！

科學雖是萬能，但科學也是宇宙間各類事理的發現和應用，豈能超出大自然的範圍。老子效法自然，未必便是反對自然界所蘊藏的科學。不過在應用的方法上，是反對由物質所釀成的人慾，由人慾所釀成的戰爭罷了！我們提倡科學的，亦豈願科學走入危害人類的歧途？

人類雖有物慾，但物慾有無止境？既無止境，則將何以了局？老子似乎不是談可與不能的問題，而是談應該了或不應該了的真理。那末，我們能夠反對

這種真理的開發嗎？況且老子解決人類的痛苦底各種主張和方法，其實都是積極的，革命的，並非沒理性的開倒車；並非教人要走入毀滅的途徑。相反的，倘是人類的物慾，沒有方法來抑制，物質的世界，沒有精神的調濟，則人類的將來，我們很容易得到一個可怕的想像！老子是談整個宇宙的真理，整個人類應走的途徑，並非說外國用機器我們應該用手工；人家用原子彈，我們還應用土砲。不過假使全世界都進化到真正大同之治，那時還要原子彈作何用呢？

文類

上曹主席書

施廣德

賤連訓誨晨夕縈懷比維政躬舒泰定符肌頌職此次奉命赴豐城參加收購餘糧會議本擬於會議完畢即行赴省晉謁鈞座報告政情祇以購糧工作緊張限期嚴切不得不遑返縣城加急趕辦章門之行因而中止積愆蓄素未得一達於左右中心惶急不可言喻故敢以書陳當今最急切而最急須解決者厥爲縣級公務員之待遇問題本縣公務員待遇在去年期間每月生活基數爲一千五百元再加一百成此種待遇在全省公務員中極爲低微生活亦極度艱苦然所以尙能維持行政之正常現狀者以每月尙有一石之公糧及物價尙不極度高漲也現則自本年一月份起有公務員之公糧一律取銷設法增加薪津本縣現所提高之待遇爲數無幾於無可設法之中增爲底津三千元再加二百成以現在所增之薪津計算其薪津最高者莫過於縣長每月不過九千餘元僅能購米一市石祕書科長則每月五千餘元僅能購米六斗工役兵警每月爲一千五百元僅能購米一斗六升以此區區之數斗或一斗六升之米而維持一人或一家之生活其何能以自保全乎此一事也又自兩月以來物價突飛猛漲米價則增加七倍柴價則增加三倍油價布價則增加兩

倍鹽價亦增加一倍其他日常生活之需莫不高漲數倍物價如此吾輩公務員其何以爲生乎此又一事也本縣公務員之薪津既如此之微薄而物價又如此之高貴則公務員捨辭職與怠職外別無其他辦法而本縣各級同僚尙能廉潔自守不爲苟且無恥之行且能相敬相親不遽離散者則乃平素情感維持與教習並施之所致也蓋本府僚佐類多多年同事相從患難既情感之親切又道義之互勉故能維持縣府組織於不散耳然而祇可持於一時不可支撐於久遠管子有言曰倉廩實而知禮節衣食足而知榮辱今聚此百數十人服役縣政工作食不足以果腹衣不足以蔽體仰事俯蓄更不能道於此而欲其安心服務濟泊無營雖父母不能得之於其子況職德薄能鮮安能維持縣政於不敝哉爲此夙夜憂懼寢食不安心實謂危不得不言以職愚見當今縣級公務員之救濟端在於縣財政之建立而建立縣財政之方約略舉之厥有三端：

第一請准中央將田賦百分之七十劃歸地方

在建國大綱第十一十二兩條規定

土地之歲收爲地方政府之所有各縣對於中央政府之負擔當以每縣之歲收百分之幾爲中央歲費不得少於百分之十不得多於百分之五十而國民參政會最近會議亦有同樣之決定是則劃分田賦百分之七十歸於地方實爲最合理之舉

第二准由省銀行大量貸款辦理縣公營及生產事業

查本縣地曠人稀籌款不易

一切生產及公營事業無法舉辦倘省銀行能以大量資金貸與縣方使能從事於公營

事業之發展是亦增加生產之一道也

第三將縣府應支經費概由中央發放

查縣地方現有之財政無論何縣均屬不敷

開支推其所以致此之由實以中央將各縣之田賦與附加概行收歸國有之故倘中央能將田賦發還各縣固爲美事萬一因事實上之困難則請將縣府視同省級所有縣府應支經費直接由中央發放而將地方原有捐稅專充縣屬暨鄉鎮機構之用及縣鄉之事業經費

以上所陳不過蛙觀蠡測是否可行亟待鈞裁想鈞座平素體念部屬無微不至籌款增薪成竹在胸固無庸職之曉曉饒舌也惟望大旱之雲沛然而興西江之水及時而潤是則爲職所馨香默禱者也所有詳情本府曾以成有二財代電詳述在案茲復囑述事實伏乞鈞座詳鑒垂察

峽江排山金氏族譜序

施廣德

自宗法廢而譜牒興譜牒宏而民族昌曷以故蓋自唐虞以來羣建侯伯裂土分邦子孫相承最重宗法迨秦廢封建而宗法類廢宗親之誼長幼之序不相聯繫降及漢唐始有譜牒志略之說已具譜牒之端倪遞衍至宋若歐若蘇一斟於史氏之年表一倣於禮家之宗圖而譜法大備此宗法廢而譜牒之所由興也自宋迄今羣相仿倣族各有譜羣情聯屬宗族

情懷深印腦際由宗族情懷而發爲民族意識革命思潮因之澎湃故雖以滿清入主中國垂二百餘年卒以我漢族之力而推翻之嗣後剿除巨匪抵抗倭寇莫非民族意識所造成詎非譜牒宏而民族昌之明驗歟然得魚者不可以忘筌吾國旣因譜牒而深寓民族意識由民族意識而發揚爲推翻滿清與剿匪抗戰則譜牒之制又烏可忽視哉此峽江俳山金氏族譜之所由續修也金故峽邑望族子姓繁衍聚居於俳山附近者已若干世矣予於下車之三月巡視其地覩其岡巒蜿蜒風景明秀意其先世必有賢哲挺生其間者訪之知有金文靖公之歷相四主宰輔隆盛以及昭伯輔伯聲希諸公之簪纓顯宦累葉相望此蓋山川秀氣所鍾以蔚起人文者然也今年冬有屬員文靖鄉鄉長金英士攜其族譜來言曰吾家族譜修於民國九年洎今已閱二十餘稔矣中歷軍閥併吞北伐之役剿匪之役抗戰之役役兵燹累經記載類多散軼若不及時續修後更難於搜集今譜已付梓請公爲我序之予旣欽金氏先世勲業之炳耀意其載於族譜者更琳瑯可觀也考金氏之先世原居楚之寶慶至彥公始自寶慶而遷峽江爲厚聚之始祖清公爲洪坑之始祖行公爲俳山之始祖行者俱足以垂不朽不特此也族人之長而賢者於歲時伏臘必進其族之子弟而教之以稱孝起敬愛國忠黨與夫肇興民族行使民權諸大端由此以觀則金氏族譜不僅僅於尊祖敬宗俾人索本溯源而已固欲盡天下之爲族氏者於親親長長之中深寓民族之意識使

人人咸知天下興亡匹夫有責而有以建國家於強盛保民族於永存也而英士之所以亟亟於續修其譜者亦見於剿匪抗戰責任艱鉅非如此不足以加緊其工作而達成其任務也然則金氏族譜之修謂爲金氏科甲蟬聯子姓繁衍之祥瑞圖也可謂爲金氏訓勉子弟之教科書也可謂爲中國民族革命與剿匪抗戰之宣傳資料也可謂爲英士推行鄉政工作之緊要文告也可予故亟稱之而爲之序云

行健中學十週年紀念贊詞

并序

施廣德

吾師李公立侯創辦行健中學於潯陽嗣因抗戰軍興遷於峽江之喬木村主之者實爲吾友陳瓊生提倡科學力矯頹風導正氣於末俗挽狂瀾於既倒厥功偉矣斯校洎今候已十稔精神貫澈注規模益宏所造就之學子爲社會服務卓然有立者何止數千百人春風所及盡成桃李猗歟盛哉余故樂道之而爲之贊云

人之初生衆理咸備至純不雜至精而粹洎乎童齡知識漸闢情肆物誘嚮至沓來勢之所趨載胥傾覆潰決橫流其何能淑猗歟行健科學是倡基肇潯渚流暢峽江十載春風萬方賴及青青子衿德業樸樸伊誰創之吾師立侯繼之瓊生克承其庥嗟予何幸得宰是邦觀茲宏猷毋任馨香愛之護之惟恐其傷誰其嗣之率由舊章

峽江縣政府三十五年施政計劃導言

徐霖

早九

峽江地曠人稀山澗水療自經敵寇竄擾之後閭閻殘破市井蕭條廬舍焚燬物資損失不可數計益以荒旱游臻民生凋敝舉目川原荒涼可憫處此窮危之時欲爲合理之舉殆未易言然國者縣之積值茲抗戰勝利之後建國方殷之際一物不得其所亦爲國家之玷矧一縣乎幾經考覈爰斟酌地方當地情形及上中下度施政方針適應現代環境依據法令秉承國策舉凡國計民生之所需而不容須臾緩者列爲本年度施政計劃分期進行以期凡百事業納於軌物庶無戾於建國必先建縣之旨也

民治方新民氣未開樹立基礎端賴切實整理故健全民意機關厲行地方自治工作競賽及鄉鎮保甲人員考選與工作之督導考覈整訓警察推進衛生及戶籍登記戶口清查以類並舉焉編民政施政計劃第一

事業推行非財莫辦而整理財政不外開源節流本縣稅收前雖整理而物資變遷物價動盪稅收不無更易故必加以整理而公有款產及充實鄉鎮自治經費成立縣銀行皆切要要圖也編財政施政計劃第二

掃除文盲提高人民知識爲現代樹立民主國家之基礎故整理國教充實社教設施普及識字運動籌設縣立中學在所宜先而健全教育行政機構穩定基金改進師資加強督導

之

尤爲要圖編教育施政計劃第三

衣食住行民生所關一不得所貽害無窮故增產糧食興辦水利開闢交通推廣作業督導造產整理商區所不容緩而推行新制度量衡器恢復農業推廣所附焉編建設施政計劃第四

治兵整旅國之要政扶危爲安有備政患故訓練編組國民兵以推行征政加強警衛以充實自衛切實征補以增強國防而兵役會議與講習及建築營房與優待征屬實足以資鼓勵編軍事施政計劃第五

乃積乃倉乃粟餼糧軍儲民食於焉是賴故調查糧食催收積谷運撥舊存尙焉而征收農田市地價稅及典賣等契稅隨之附舉編糧政施政計劃第六

國以民立民因國存依倚互助關係密切故組訓民衆推行國民義務勞動實施撫卹促進合作福利社會以時舉辦編社會施政計劃第七

土地爲生產之原權利爲使用之機故代管土地限制墓地以及辦理移轉更正變更權利等登記有不可廢者而保障佃農尤爲切要編地政施政計劃第八
量入爲出財用不匱溯往測來設施易置故執行預算推行單位會計制度及加強實施統計事務調查物價編印統計刊物亦所必舉編主計施政計劃第九

案無留牘獄無滯囚古爲美談今亦宜然故快傳快審快結保障人民身體自由與保釋以

及民事之執行與調解監所之整理與協進會之健全亦亟須實行者也編司法施政計劃第十

以上所舉皆因時制宜因地制宜爲峽江今日切要之圖非徒爲紙上空談也由此循序漸進則將來進入大同世界峽江亦不敢後於人矣

詩詞類

五古

到峽江喜晤施縣長

霖徐

章門離別後睽隔十年餘君去宰劇邑我還守舊廬東西各異轍升沉遂殊途宦迹君名重謀生我計疎艱難百憂集榮貌孤雛廿載餐苜蓿有口不能餉一去遊軍幕依人非所圖還家值歲暮文史聊自娛不爲饑寒迫誰復能相驅竭來報消息君綰此邦符念舊情尤摯馳電遙相呼名入蓮花府職列中祕書感此慚知己拏舟急以趨相見兩相歡我意快何如執手話契闊欣若獲瓊琬不羨珠玉貴不愛華屋居所樂相思慰治譜見嘉謨願言助明德膏澤及時敷撫字宏仁惠勿負結交初

饒審判官慕茹升任泰和地方法院推事賦此送別

毛世俊

民國重法治判官專設置濟濟申韓家獨行各得志或則專主刻或則好立異或則泥成法或則多顧忌饒子獨不然迥異刀筆吏儒學世其家法學得精義察獄必以情無偏亦無諛用法必準理恒得法外意以此任峽邑九年無物議花落訟庭間無訟真能致今茲升任去

流風永不墜佇看秦屬民人人仰推事

送饒審判官慕茹榮陞

伍人偉

卓哉饒使君賢名垂玉峽折獄逾八稔縣民皆歡洽鐵面本無私不徇情軌法持身素勤謹
案牘不積壓倭寇竄縣境幾乎遭毒手幸喜陰德隆卒然脫虎口經濟與文章吾獨傾心久
此次膺新命勳業尤不朽

漁家曲

徐霖

身爲江海人生小江千曲江上是吾家竹籬茅蓋屋
朝隨江水上夜傍江頭臥對影泝中流相看人兩個
解纜灘前過得魚街上賣持錢向酒家舊債換新債
閒向船頭坐倦來灘上眠忘形無爾我沽酒莫論錢

七古

六十感懷抗戰勝利後一月作

毛世俊

我到人間六十年世事變幻若雲烟幼聽父老談故事中國自古如帝天甲午中日戰釁開

斷

海軍全覆事可哀紙虎一朝被戳破不堪國恥斷續來乙未台灣割讓日丁酉德取膠州灣庚子八國聯軍至辛丑和約眞汗顏濟南上海與沙基慘案迭起傷心悲九一八與一二八七七事變最後期而今且喜終獲勝百萬降虜齊聽命國際地位躋五強平等條約重新定當此痛定思痛日正是檢討策勵時懲前毖後遵古訓勝利方能常保持過去清政固腐敗民國革命未革心上下泄沓成風氣爭權奪利意見深教育富貴二族化文化仍在水平下實用科學少發明宜乎難與人並駕從此舉國應奮勵建國建軍和衷濟實行三民與五權迅掃舊染不留滯尤其學校須國立養兵養士等量急嚴其取舍策其用平民教育方普及愧我幼年乏實學際此時會難騰蹕報國心長材力短軍政紳學空獵較迄今老矣無能爲幸有醫術濟病危斯民固登仁壽宇寸心耿耿寄所思

覆箱峯紀遊

在東門外忠貞鄉約二十里

徐霖

曉日曠曠暖氣融融選勝朝渡贛江東攜得遊仙新伴侶一鞭遙指覆箱峯迤邐遠行二十里穿山度隴路忽窮峯高不知幾何遠蜿蜒曲折徑纔通下有開明觀上有洞天宮
峯頂有紫
拾級登臨誇健足筋疲力軟氣猶雄夾道古木參天擁藤蘿拂地山門封傳聞昔有昇仙者白日乘雲上吳穹仙人縹緲不可見尙餘靈跡落寰中我來恰值歲云暮川原寥廓海天空

盞

玉 庚 公 餘 錄

二八

登高一覽羣山伏，龍蛇奔趨若爭鋒。宇宙奇觀生脚底，萬壑千巖振長風。上矚吉永下淦水，百里山川盡朝宗。劃然長嘯風雲起，震慄危崖湧心胸。遊騁不覺時將暮，森然林木響征鴻。俯瞰危磴循舊徑，馬頭猶恨意匆匆。渡口日斜人影亂，殘陽已照鴉背紅。挑燈長歌意無極，歸夢仍繞千山重。

抗戰歌

黃笠耘

蘆溝橋頭鞞鼓動，驚破神州睡。獅夢狐鼠偏思玩，禍機傾巢來作潰。池弄雄師三載奮，誅征中原擾攘尙烟塵。文物衣冠被塗炭，獸蹄鳥跡交縱橫。島夷賦性何殘酷，到處焚掠恣淫戮。老弱駢死少壯逃，千村萬戶造頹屋。吾民積怒憤填膺，殺賊人人競請纓。一德堅貞心匪石，同仇敵愾志成城。瀟湘喋血湖波碧，恥後爭前如不及。蹕刃披鋒集大勳，乾坤變色神鬼泣。旣殲頑寇挫兇芒，制勝應歸廟算長。正氣終能摧暴力和衷，乃是禦強梁。吁嗟乎窮兵黷武，人道賊願與世界相擯，絕建立和平奠五洲，永化干戈爲玉帛。

五律

除夕感懷

陳培亮

擾擾人間世關心又一年滿頭半露白大道幾時圓好惡違今古悲歡歷萬千昂藏空自許搔首問青天

欲佛無仙骨浮沈意未安傷麟哀道遠抱虎怯身單縱有琅玕腹難售鐵石肝一年今又暮撫碑自生寒

次韻酬陳瓊生校長除夕感懷

徐霖

羯鼓催殘臘爆聲正送年世途多硯隴家室慶團圓汨沒逢陽九浮沈隨大千幽憂無限意吾亦問蒼天

矯矯雲中鶴翱翔久未安放懷千載上攬轡一身單未負將軍腹空悲馬目肝裁詩掉月斧讀罷亦心寒

乙酉端節紀事

毛鴻圖

佳節甘霖降人心喜若狂勞軍出郊里是日偕望雲縣長暨各機關首長聯袂覽風光水漲赴巴邱廟醫院慰勞勢榮譽軍人舟行便雨停農作忙好同賢令尹一路話麻桑

巴邱

徐霖

裂土開疆宇江東啓霸圖業分三足鼎勢已一夔孤曹魏方移漢孫郎竟大吳空江留戰跡
烟水認模糊

奸曹威挾主敵愾本同仇赤壁雖併力中原未寢謀借荆驚筆落爭地忽成讎天意厭公瑾
不應怨武侯

白衣庵

徐霖

到此塵囂淨山前蘭若開有龕供古佛無處著微埃習靜門常閉忘機鳥自來根緣儻未盡
稽首皈依臺

丙戌元旦

徐霖

歲紀開新律陽和動地微闌珊春意透駘蕩瑞光輝廉靜鄉懷澹庭閒客到稀都嶺烽烟靖
逸情過欲飛

七律

督徵苦雨有感

施廣德

四旬亢旱已成災又苦秋霖繼續摧稻蕩田疇如草偃水浸原野有鴻哀督徵豈爲爭功考
輸粟仍煩著力催天下興亡吾輩責毀家紓難莫徘徊

和縣長督征苦雨有感原韻

唐翰

寇氛瀰漫復天災何故蒼黎迭被摧晴雨失調嗟歲苦饑寒交迫愈心哀愛民惟願從輕斂
爲國焉能俟緩催撫字情殷休戚共指困輸粟忍徘徊

又

彭相正

連年戰禍演成災怎更天教雨早摧隴上農邊搔首嘆村間婦出倚門哀明知國課禁逋負
轉念民生忍督催畢竟囊黃人共感爭輸僅有不徘徊

訪金文靖公故宅

施廣德

文靖公忠孰與偉仰瞻故宅低徊留贊襄四主昭青史扈從三征進蓋簪相業追思如昨日
蘋蘩遺剩不知秋斜風那議興亡恨猶自颺颺助客愁

望雲縣長以謁金文靖公故宅七律一首見示頓觸

景仰鄉賢之感依韻和之

毛鴻圖

三朝宰輔孰堪儔豈僅勳名邑乘留不羨練公殉故主只師趙普進良籌幾番瞻仰尋遺迹

公生於吾邑，非山村數年前余曾數遊其地。一片蕭條，屬暮秋靈秀山川，猶是昔英賢莫繼使人愁。

又

彭相正

一生功業武侯儔，扈駕三征韃虜愁。七日權君非矯話，四朝作相具嘉猷。芳名奕葉標青史，故宅荒涼成古丘。爲想遺風景，仰空郊憑弔儘千秋。

又

徐霖

文章德業幾人儔，青史勳名日月留。位望三楊先揆席，風沙萬里借前籌。異時丰韻聲光赫，故國河山草木秋。有客江南尋舊里，斜陽芳草不勝愁。

久雨感懷

施廣德

久晴原恐旱蝗頻，又苦滂沱雨歷旬。本冀天年豐有望，愁看江水漲無垠。山雲尙是漫氛霧，窗日何時耀玉塵。最怕國亡家破裏，凶荒重見瘁吾民。

峽江書事

施廣德

八載折腰意自憐，峽江斗邑更淒然。農貧力畝難贍食，賦重賣田不論錢。芸衆那堪罹寇劫，

荒阡隨處有烽烟由來建國從艱苦攬轡澄清猛着鞭

春節前一日偕望雲縣趙長生約安公普諸兄冒雪赴六八兵

站醫院慰勞榮譽軍人有感

毛鴻圖

勞軍聯袂出郊衢春雪霏霏著髮膚大地鑄成銀世界九州力掃鐵浮圖獻身久佩三軍士
伏案徒慙七尺軀鼙鼓預催捷音至解縣靈局奠賓區

三十四年秋遊玉笥山

施廣厚

筍山古剎隔鷺塵道出何君地名偶問津天吠嗥猿僧迓客松濤寥戾雁催人羣峯朝拱蜿蜒

連數字連衡結構新爲愛此中風物好杖藜回首不辭頻

丙戌元旦

施廣厚

歲序更新又朔正嶽來景象色分明狼烟掃盡見天日劍戟輝煌殲帝瀛萬里河山欣復舊
五湖風月幸激清但期永息刀兵劫民樂唐虞頌太平

丙戌立春日登峽江縣城高峯

施廣厚

春風和暖動遊心，城後高峯試一尋。
窄徑崎嶇艱步履，荒榛蔓衍挂衣襟。
遙瞻都嶺孤懷遠，俯覽江流感慨深。
從政十年無可紀，青衿依舊到於今。

丙戌廢曆元旦試賦

毛鴻圖

斗轉律回氣象新，聊持禿筆寫天真。
休談大局全盤事，喜抱小星滿室春。
子舍久懸奚足慮，債臺高築不憂貧。
服官年過身猶健，建設中華正待人。

世安夫子以丙戌廢曆元旦試賦見示，依韻奉和

毛定和

竹爆迎來歲月新，歡聲到處露情真。
生機滿眼呈祥瑞，事業從頭趁早春。
不忤不求方是福，能伸能屈豈憂貧。
先生德望粉榆重，門外時來問字人。

次韻酬毛世安丙戌元旦試賦

徐霖

一番改歲一番新，每到元辰倍覺真。
握管閒題安福字，舉杯聊醉洞庭春。
胸無塵滓差堪樂，家有琴書未是貧。
大器由來期晚達，調羹原屬鼓刀人。

二十初度溯遊

毛定和

髫齡即泛五湖烟，氣象追思萬萬千。
虎踞龍蟠都會地，金迷紙醉滬江邊。
西京文化仍存古，

南國風光別有天我欲重遊溫舊夢掃除敵寇務當先

書齋感懷

伍人偉

低徊世事感滄桑願效伯倫作酒狂身外浮名非我羨眼前權利任人忙休嫌青荷無佳味
且喜蒼藜有異香萬卷書橫堪愜意北窗高臥樂羲皇
天不怨兮人不尤安貧養素義皇儔訓蒙有故甘蔬菜濟世無由展盡籌投筆班生空仰止
引錐蘇子妄追求行吟屢起長沙感滿目瘡痍涕泗流

憤異黨

伍人偉

無端小醜肆跳梁同室操戈實可傷掠地爭城何暴戾公妻共產太荒唐窮兵黷武天人憤
煮豆燃箕種族戕若得貔貅千百萬縱橫海宇掃攙槍

乙酉遊幕峽江除夕感懷

劉雲松

臘鼓聲中又歲除月移梅影到窗疏異鄉風味雖相似客裏情懷總不如幸喜案頭無積牘
更欣床角有新書今宵痛飲送年酒那管旁人暗笑予

丙戌上元觀燈

劉雲松

嘹唳笙簧不夜天遊行士女相摩肩萬家燈火輝高下一路綵毬爭後先比戶從茲歡樂歲沿門早已換春聯贛江差幸風波靜共說今年勝去年

江濱口號

徐霖

踏遍山城與水隈雲天縹緲畫圖開北風吹雨排銀岳翠浪拍空漲碧苔逐隊漁舟波上下行吟野客意徘徊衙齋長幸無多事贏得閒身日日來

都督嶺

在南門外十里

徐霖

羣山環繞一山高快意登臨興自豪一代才賢開壁壘三分天下並劉曹風雲色壯標丰采河嶽氣雄捲怒濤千載英姿猶想像陣圖開處見戎韜
櫓馬嘶風夜月昏依稀遺址認轅門偶尋巖壑見營壘指點雲山按列屯荒草長埋千載蹟夕陽猶照幾家村尙留高嶺名都督不爲河山不姓孫

七絕

讀星海軍長祝捷懷願八首振觸舊懷激發新感依韻奉和

毛世俊

捷筆班生願已償馳驅萬里意陽陽而今敵寇終降服不負八年苦戰場

倭奴屢撼洞庭波曾返魯陽三舍戈湘北桂南皆奏捷軍威到處動山河
記曾同事論英雄外患能平始見功教導官兵成勁旅陰符輅略啓羣蒙
雍容帶綬與裘輕儒雅風流見性情大器當年賞讚許於今叔子果成名
老驥無能志氣銷多年未敢逐風潮南窗嘯傲桑榆景獨善其身只自驕
晉江一別幾經春地北天南鮮問聞榮戟遙臨章貢水望風懷想每馳神
將軍手把劍橫磨分隔雲泥感慨多願祝鵬程無限量豐功偉績耀山河
更望旌麾常駐贛整軍經武仰高風他時便道巴邱日倒屣歡迎笑語同

讀星海軍長祝捷懷願八首尤喜其第五首眼光遠大思想週

到爰次第用其成語為起句續成四絕

續貂之誚知不免焉

毛世俊

中原鐵戟未全銷社鼠城狐尙叫囂歸馬放牛應有待前途瞻望我心焦
瀚海茫茫隱怒潮誕登彼岸尙迢遙風恬浪靜知何日寄語乾師謹把橈
聚訓十年勤建設中華物產本豐饒三民主義完成日富強康樂萬世標
四強算我莫矜驕世事多防等夢蕉自力更生休懈惰勵精圖治在今朝

閱報載政治協商會議成功有感

何杰

變觸相持尙未休興亡有責我心憂遙聞國是協商好憲政宏開享自由

列女吟

毛定和

沈雲英

將軍戰歿道州城國難家仇百感生慷慨殉師前敵赴安民保境仰聞名

賀宮人

將將一死報君王臨難從容易主裝可恨時機難湊巧未能刺闖我心傷

馮婉貞

兵敗勿悲勝勿驕女兒識見一何超出其不意攻無備暴敵披靡等落潮

陳圓圓

衝冠一怒爲紅顏此恨不消誓不還若論有清功孰首圓圓勦閹動河山

花木蘭

從軍代父偕男裝馳騁十年古戰場匹馬歸來應自笑征衣猶帶九秋霜

西施

淡妝濃抹孰堪儔沉醉吳王不自憂偉績告成儂去也烟波欣泛五湖舟

無鹽

地居微賤貌庸常隱語驚人口舌香滿肚憂民憂國意一朝採用重廟堂

詩餘

水調歌頭

憶南昌

毛定和

章貢慣奔放綠水萬年流誰知帝子膝閣狐鼠獸蹄遊曩日陂池臺榭至今荆藎遍地滿眼
不勝愁把酒問青天小醜何時休夕陽裏空悵望志難酬不知燕子雙雙飛向誰家留
老弱轉乎溝壑婦孺淪爲囚犯痛哭作馬牛壯士速興起復此戴天仇

臨江仙

巴邱懷古

毛定和

明月清風千古在周郎消息茫然潺潺綠水意纏綿欲知千古事閒話有新蟬廟宇獨存

英雄香空遺沙鳥輕烟青春易逝感流年願如周顒曲身沒美名傳

浪淘沙

憶荷

毛定和

春恨鎖眉尖瘦影堪憐關山路遠夢難聯燕子不知離愁感依舊雙旋
往事若重牽涕淚珠圓人間天上福無全事過境遷情未了悵望浮烟

相見歡

憶舊

毛定和

月篩花影牆東夜空濛杜宇聲聲流瀟淚痕紅
欲好夢心頭痛感哀鴻何得順風吹送合歡宮

浪淘沙

贈別三年級畢業諸生

陳培亮

三載共琴堂愛汝琳琅桐陰蕉雨惜離觴勞燕分飛瞻道遠何事徬徨
風狂相期莫負此昂藏報國應酬男子志鵬舉鷹揚
國事苦蜩蟬雨橫

浪淘沙

贈行健中學陳校務主任瓊生原韻贈三三級畢業同學

黃笠耘

講習喜同堂滿目琳琅春風桃李感離觴此去莫教方向錯岐路徬徨
獨狂前途珍重爾行藏見義當仁須莫讓功顯名揚
意志戒類唐進德

賀新郎

代友賀潮籍中大同學結婚壽

陳培亮

直諫廬存否

在校同賃一廬顏曰直諫

憶當年觀山說劍彈箏鳴缶幾許

中大戰時還碎石

往事何堪

回首有情的終成佳耦初試黛眉南窗下別心相應是今番有燈正蕊月圓後千秋韻事

傳江右

結婚時夫婦同在韓某校任職

羨韓城雙雙學士同操楫曰弟子爭看新人面依舊先時教授渾莫

辨迷離兔走一紙佳音傳萬里借錦鱗雙尾遙申賀祝幸福似山阜

離亭燕

贈別饒審判官慕茹

陳培亮

屈指流光輕逝十載滄桑頻易兩袖清風秋月靜依舊琴鶴相對金鏡獨高懸公正廉明無愧莫道羣芳妖麗且看松筠超翠雲路鵬程千萬里珍重男兒心志把酒論襟期長守交情如水

人月圓

賀友人結婚

陳培亮

春宵一刻千金價並蒂放奇葩麝薰錦被同心永結香透窗紗畫眉初試郎才女貌兩兩相誇錦鱗雙尾賀申萬里人在天涯

玉峽公餘錄

四一

玉峽參餘錄

周二

滿江紅 除夕感遇

徐霖

院宇沉沉拾又是歲除時節記舊日鶯歌燕舞繁華久歇客路風光耽寂寞江頭暮靄侵殘
雪最無端倩影落娉婷柔腸熱杯中酒難消渴心中事憑誰說嘆年華似水愁懷如結消
應暗將春意換淚珠斜透青衫漬漫相忘一曲木蘭詞聲聲切

滿江紅

乙酉六月二十九日映江入伍壯丁出盜殺敵全縣各機關
舉行義送大會本校師生亦往參加寫此以壯行色

黃笠耘

柳拂旌旗聽曉角聲聲淒激壯行役金樽酬餞白虹貫日討虜爭揮祖逖鞭從我慨擲班超
筆快人生功業在斯時休蹉失五九辱無窮極七七恨如山積待算還血債莫饒涓滴志
士不忘溝壑死男兒祇合沙場歿看此行殺盡敵人頭勳名立

賀新郎

別兆玉

徐霖

噫嘻君歸矣歎人生離多會少聯床有幾把盞觸君君須醉趁此離筵寸晷暫相對也應歎
喜瀟湘人間兒女淚此際情今古都如是休道我狀無似斜陽一抹西風裏最難忘窗前
細語爐邊滋味漫把衷情從頭斷却恐無人料理流水急沙鷗驚起不恨長途今日別恨後

東窗見何時耳知此者只吾子

誦書樂歌

毛定和

經傳詩書終日裏口吟手撫盡心力鑽研闡釋關門閉戶映雪嚴冬朝復暮曩螢盛夏汗成雨最難堪廢寢與忘餐讀書苦學養到才華灼真理透見識卓喜豁然一貫由博返約中外古今全瞭解民財教建任操作自古來惟有讀書高讀書樂

楹聯

慶祝總裁五八壽辰聯

毛鴻圖

篇繡裁爲元首爲統帥繫黨政軍在一身每當丙夜不安中外衆籌孤詣苦心滿國恥是生佛是至人是導師立功德言於萬世茲屆甲花將馥岡陵晉頌黃童白叟作嵩呼巫峽現卿雲長庚星煥光寰宇珠江傳捷電延壽曲終奏凱歌

妙手挽乾坤應運而生喜此日壽宇宏開九州齊作華封祝重肩擔抗建碑精以赴卜明年倭奴立潰三島併歸禹甸來

慶祝卅四元旦大會聯

卅三載流光真是艱辛盡歷尤望國人奮胆臥薪共渡難關切莫糊塗作春夢
兩大洲戰禍尙在激烈進行好與盟友比肩齊步同殲頑敵敢云歌舞樂新年

執吳梅叔先生夫婦

有子一現充廣昌縣衛生院長

桂樹一枝香元化針砭早鳴世

蓬山萬里伴劉剛夫婦並歸真

執曾

俊

在行健中學溺死
代其同學作

國事賴吾儕何忍輕生學撈月

交情追往日那堪流淚賦招魂

同堂怕讀懷沙賦

終古難消峽水愁

慶祝同盟國勝利大會聯

強權屈服正義伸張看此際同盟旗幟飄展扶桑舉世騰歡歌勝利

八載戰爭千秋仇恨到今朝大好河山還歸華夏全民忭舞慶和平

五十初度自壽聯

半世駒光易逝只博得子舍尙虛債臺尙築
五旬馬齒徒增愧未能建功於國造福於鄉

賀振華弟結婚

振華在結婚兩月前與其未婚妻
吳氏均被土匪綁去月餘始出

鴛鴦曾困荏苒澤

鸚鵡始交菊蕊杯

歡迎陳主任委員雄夫大會聯

陳主任兼皖贛監察使又
兼軍風紀巡查團委員

雄氣壯山河咸欽整飭軍風主持黨務
公心救黎庶豈僅澤流贛水恩及皖江

慶祝 蔣主席五九壽辰

國旗飄展太平洋喜日月重光河山復舊
壽域近臨小陽節看一人有慶萬衆騰歡

德業相承數千載義聲時背衣旰食當胆臥薪隻手挽狂瀾古往今來能有幾
聲威遠播五大洲喜此日南極星輝東夷膝屈兆民瞻壽宇嵩呼華祝快無窮

祝徐母高太夫人七十

有三子八孫多居政界

子肖孫賢有三鳳八龍之盛
藹全德備與教姜孟母並芳
本三禮以持家賢媛不愧堂生裔
屈七旬而稱觴賀客爭趨孺子門

慶祝卅五年元旦聯

華夏眞多難嘆倭奴雖屈異黨猶橫尙望全國人民勿酣春夢
良辰莫錯過喜都嶺烟消贛江波靜聊與各鄉父老共樂新年
鼓舞慶良辰屈指紀元逢卅五
艱難思往日傷心浩劫歷萬千
快意度元辰幸喜東洋降敵寇
傷心恨異黨忍教北地起烽烟

執省黨部

尹委

敬讓

尹履於南昌胡履重慶
德馨在江西省黨部同時追悼

愁雲黯豫章同黨空思尹卿筆
噩耗傳巫峽恨天未展脫生才

送饒審判官慕茹調任

明比于公九年峽水期無訟
交深王子三疊陽關倍有情

祝彭母孔夫人七十

羨哲嗣有守有爲當年出宰兩江循吏傳中欽遂霸
祝賢母多福多壽此日慶逢七秩文峯鎮裏集衣冠

米業公會元宵提燈聯

米價莫云昂但期玉燭調和闔邑倉箱堆萬斛
業餘且行樂趁此金吾弛禁滿城燈火鬧三更

慶祝抗戰勝利聯

縣府門首

唐翰

敵寇肆猖狂痛八年抗戰四海沉淪都督嶺頭飛烽火
同盟獲勝利喜三島仇讎一朝降服巴邱城裏奏凱歌

慶祝

蔣主席五九壽誕聯

縣府門首

唐翰

肇創專乾坤看當年頑軍摧毀失地收回文德武功昭萬世
壽星耀宇宙欣此日薄海騰歡全民舞綵霞觴菊酒祝千秋

祝

總裁五九誕辰

陳培亮

睿略羣邦基卒教島服叛仁異端釋惑三民永建五族蒙庥功業遙凌百世上
仙繇添海屋試看金江浪靜王笥雲開同志騰歡萬方作慶祥徵備集九秋中

行健中學十週年紀念門聯

陳培亮

斬棘披荆十載辛勤開學府
樹揚光大百年事業在同仁

戲台聯

陳培亮

磨練出精神緯武經文看素養
殷勤重道義悲歡離合中人情

又

中外古今一爐冶
武功文德衆目同瞻

金江鄉學生曾俊距初中畢業僅只七旬不幸溺於成子洲邊

因輓以聯

陳培亮

情切世交誼屬姻婭三載喜同遊論聰明早魁多士那知蜃樓幻滅遺恨綿綿忍聽成子洲
邊流水潺潺悲永夜
畔落花陣陣賦招魂

年未弱冠學已初醇七旬將畢業正磨礪好慰重親怎奈羅刹緣牽歸骨杳杳竟教金江橋

又代高中學生輓云

陳培亮

家國正多艱更誰與投筆從戎聞雞起舞

壽夭何足論最難堪重親倚戶昆季候門
頌

總裁五八壽誕頌

毛定和

（虞美人）堯天舜日秋風送峽嶺卿雲貢長庚皎皎大蒼空淨洗腥羶寰宇瑞光籠多情
最是雙雙雁喚起黃花綻人間天上壽筵開青鳥聲中傳得好音來

五福原來壽最先花開甲子萬千年

幾多黑髮朱顏者桃實爭偷拜座前

諸君請了余乃國民之一份子也值茲 總裁五八壽誕全國上下皆熱烈慶祝敝人當然
不在例外自應聊表敬意以歌頌領袖功德文雖淺陋不過藉傾葵心而已諸君不棄請垂
青焉其辭曰

（醜奴兒令）天生大聖清妖孽狐鼠瞻寒小醜心酸勝利輝光照眼寬天增歲月人增壽
白叟謳歌黃口欣歡敬頌岡陵萬年觀

正是

萬壽無疆高山仰止
一人有慶兆民賴之

(餘韻)

巴詞雖淺意尤長贏得諸君笑語狂
功德如斯孰媲美爲仁必壽理之常

日記類

倭寇竄峽九日記 八月一日至八月九日

施廣德

此次倭寇沿贛江北竄本縣迭奉 上峯命令飭將沿河兩岸所有物資均疏散於相距三十里以外之山嶺地帶藏匿而各方揣測亦以敵人向贛江竄退爲必然之勢以故本縣爲應付戰時之急切需要爰成立黨政戰鬥指揮所並另設東岸指揮所辦事處於五雲鄉西岸指揮所辦事處於金江鄉盡將沿河所有物資均遷移於上開兩地附近區域佈置甫畢而風雲日緊敵人已由吉泰竄至吉水縣境寇氛益見迫近人心浮動謠言四起是以本府之措施一面多派偵探分赴各處打探敵情一面派遣保警隊扼守險要嚴加戒備先是余與本府職員原擬均遷於東岸之五雲暫避敵鋒嗣因西鄉隣近新喻匪勢猖獗恐縣府一旦東渡則土匪乘機肆逞殺其害將不堪設想余爲防制匪害起見所有本府職員及各機關團體仍依原定計劃盡行東移而余則與保警隊警察局等一行則留駐西岸是以吾人目前之工作異常困難一面防敵一面又須防匪憂患重重相逼而來祇以守土有責不得不努力以赴耳

八月一日

近幾日來因敵人已到吉水本縣與之毗鄰接壤以故謠譟繁興或傳敵人已由吉水沿江而下越過小江離本縣不遠者或傳敵人已到吉水之楓江鄉者而本縣所派之情報員不下十餘輩均未有所報告則此種傳言之未可相信殆屬甚明惟處事最要謹慎不可疎忽所傳謠言雖不可盡信而吾人所派之偵探亦未可全恃蓋此輩人員全係臨時派遣未曾受過偵探訓練既無責任心又乏冒險性於此強敵臨境之際欲其確刺敵情以作吾人真實之參考難矣故吾人一面留派軍警維持縣城治安一面將留西岸人員暫移距城三里之黃泥岡以免陷於敵人包圍之中此蓋因敵人勢大本縣武力單薄無力抵抗不得不出此耳

八月二日

晨間接探報敵人於昨晚已由吉水之小江竄至本縣中垵該地距城三十里山嶺險峻倘能有一團之兵力扼守其地敵人豈能長驅直入上午十時許又接探報敵人又已進展至距城十里之花坑續向縣城前進偵探組長謝勤殷被敵擄去又接東岸探報敵船五十餘艘泊於住岐江邊敵兵千餘在該地早餐云云觀此則敵人沿江而下之企圖勢必貫徹而本縣地處贛江中游亦爲敵人所必經本府爲免除無謂之損失起見一面將縣府工作人員遷至離城三里許之黃泥岡辦公一面令本縣保警隊施副大隊長率隊負責防守縣城庶於地方秩序可保安甯迨至下午二時許忽聞槍聲甚密發於縣城北門當即派便衣

往探旋由施副大隊長率領隊伍退至黃泥岡云敵人於二時許進城人槍約一萬餘遭遇於北門嶺下與之接戰因其勢力頗盛旋即全部退出現尙有向此地竄退模樣余以縣城既陷黃泥岡相距密邇不能久駐遂於是晚退至距黃泥岡十里之廟下駐紮云

八月三日

廟下屬於漫潭鄉其他地崇山峻嶺幽徑逼仄內有居民十餘家可資駐紮且離縣城不遠信息易通本擬久駐於此不再搬移乃迭接探報敵人已由縣城分向山地移動擄掠財物猪牛覓取食物離此僅二三里許余據報後一面派出警戒一面通知民衆從速遷移辦理完畢即率領職員兵警等一行向河嶺退却又以該地無電話線經過不能接話消息不靈旋又遷往金江鄉之金家坊坐甫定忽見鄉民紛紛奔逃形色倉惶急詢其故則言敵人已至此地相距三里許之某地矣余即一面派兵嚴加戒備一面派遣偵探多人分往偵察旋據回報云係謠傳於此可見亂世人心易於動搖吾人不可不詳加審度而應敵之方尤賴於偵探之確實也

八月四日

此次敵人北竄據各方判斷均認爲敵人由贛州至吉水係循贛河水道現已竄至本縣縣城其前鋒並已達仁和長排等地則其仍循贛江北竄可無疑義而此地山嶺地帶羊腸小道敵人必不至此以爲可以安然無事矣詎知敵人忽然改道西移環金家坊之步溪何

林坑沛下等處均有敵人竄擾相距僅四五里或十里不等余以本府及各機關之職員相隨頗多並有電話總機無線電機及許多物資隨行責任重大不能不爲之計劃萬全遂召集保警隊施副大隊長濟羣警察局馮局長卓新暨重要職員會商僉以此地處境危殆應相機遷移余亦甚以爲然蓋施副大隊長在國軍任團長職有八年之久學術均優精明強幹爲近代之優秀軍人因去年淪贛道阻未能前往中央投效余遂堅邀其屈任此職保警隊之整理訓練與此次之疏散防護多賴其策劃得當管理有方也

八月五日

據探報敵人已有大部隊伍在張家村附近村莊搶劫財物奸淫婦女相距金家坊僅四里許有向此地前進模樣余因所隨人員及公物頗多恐敵人相距太近難於脫離危險遂決定離開此地向金家坊後山撤退越高山度重嶺荆棘塞徑林木蔽虧相率攀藤附葛而入於白雲峯下之龍家村當在金家坊未離開之前有警察局督察長文志堯者觀敵人焚劫奸淫之狀激於義憤自告奮勇欲往襲擊倭寇余深嘉許當即令其率領長短槍十餘名前往伺機狙擊稍雪國恥至是亦率隊趕至據云與敵遭遇於張家村沛下等處見敵人羣集在屋內裸體奸淫與在屋外裸體便溺情形深爲悲憤即欲開槍襲擊以期除此人類蟲賊祇因鄉人環請勿擊以免糜爛地方是以中止嗚呼倭寇對於我國婦女隨意蹂躪慘無人道至於如此真禽獸不若矣此番國恥何日能報不禁爲之痛哭晚間吾人露宿於自雲

山之深林中上無庇蓋下無簾蔭夜半天又下雨衣被盡濕張蓋起坐夜不能寐此種露宿山嶺况味諸職員爲破題兒第一遭余則於二十五年任萬年縣縣長剿匪曾露宿於蟠龍山今則爲二次矣人生苦况此爲最慘可勝慨哉

八月六日

晨起濃霧初收紅日照於林間不覺爲之色喜蓋昨晚被雨淋濕之衣被今日得以曝乾也下午四時許接探報竄視溪之敵本日下午二時向新喻前進在洋腹之敵竄至通金灘之小道佔領烟雲台斯地與白雲峯對峙相距僅里許附近居民在該山避難者二百餘人被敵驅逐紛紛下山逃命財物被敵掠奪盡淨敵人既佔烟雲台則吾人所居之白雲峯雖樹林茂密終恐爲敵所發現本府各同人僉以處此受敵四面包圍情況至爲危殆均主張設法脫離此種危險境地遂於是晚十時許天雨淋漓中起程夜黑如藩暗不辨路相戒啓行以後不准言談即有傾跌亦不得出聲高叫員工兵警約二百餘人魚貫而行闕寂無聲適是時大雨傾盆而下在此狂風暴雨聲中經過敵人哨線敵人鳴槍警戒余等並不還擊余傾跌數次旋仆旋起諸同事亦莫不然尤其過一長木橋最爲危險橋闊約尺許長十餘丈橋下水聲激湍不知深淺暗黑中又不辨橋板側足而行心甚慄慄稍一失足則隕命江石之上或墜身魚腹之中亦至險矣

八月七日

拂曉達金江鄉之廟下相距五里許之嶺山駐有一八三師之一營山上臨時建有國防工事地勢頗爲險峻敵人之竄新喻者大部多從此道經過今則敵人知此有備所有佔據烟雲台等敵寇改從龍江入虹橋竄新喻故我軍駐此未能發生殲敵作用者職此之由此路既無敵人踪跡而居民仍匿居山崖中樹林深遠處不敢即出余派遣員兵分赴曉諭始稍有出者吾人日食米糧均由兵警募谷而食米既糙雜又無菜蔬食之難於下咽

八月八日

晨間據探報由鵬硯溪經過之敵已於昨晚全部竄退新喻而駐在嶺山之國軍亦已全部撤去余聆此訊後當即一面另派偵探多員前往三圳花坑等處偵察敵蹤一面派警察局文督察長志堯率領保警隊士兵及警察局警士各一班先行返縣囑其沿途搜索前進以防殘敵潛伏蓋是時謠言尙多有言縣城尙有敵人蟠據者有言三圳一帶尙有敵人經過者余爲策劃安全起見故囑其倍加審慎下午視察嶺山遙見山勢險峻其中僅一小道通新喻使國軍早到扼守此山則前日由此路竄退之敵人定遭嚴重之損失覽之不禁喟歎

八月九日

昨晨已遣文督察長率領保警隊兵及警士一部份先行返縣余等一行則於今晨二時造飯四時出發經過金灘雷溪遠東溪坑桐木浦下等處於下午二時到達縣城道途所經

禾苗被敵人馬踐踏稿死田中人民被敵屠殺屋宇被敵焚燒金錢衣物被敵搶奪牲畜被敵劫掠婦女被敵奸淫損失之重難以數計抵城之後則見縣政府縣黨部司法處保警隊警察局監所等機關悉被敵人燒燬商店則自南門至大東門水東門至城隍廟街尚有河街一部份盡付一炬一片瓦礫淒涼滿目死屍二十餘具或僵臥屋內或橫陳街道牛馬便溺觸目皆是穢氣蒸蒸臭不可聞余等一行共計二百餘人見各機關已焚無處棲止當即在北街之縣訓所暫住打掃便溺糞除污作爲本府臨時辦事處是時人民正在逃難中尙未返城空城一座閔無人聲物資既被敵人焚劫盡淨人民又未返縣米糧自成問題乃向敵人搶劫剩餘之積谷倉挑谷數斗臨時礱成齊米分配各部份食用至晚十時許始用午餐時余目覩此種慘狀心灰意冷慨然欲病恍有丁令威化鶴歸來之感雖終日絕糧而舉碗在手亦食之不得下咽嗚呼吾民何辜遭此荼毒言之能無心傷

峽江縣寇災財產直接損失值暨人口傷亡數表

財產直接損失值			單位：國幣圓			人口傷亡數		
類別	價	值	類別	價	值	類別	傷	亡
建築物	三九〇、六七四、一〇〇	運轎工具	四、二六九、六〇〇			男	一二六	一〇三
器具	一三五、八七九、九七〇	產品	三六七、四〇八、三二〇			女	二一	二六
現款	二五、五三四、六五四	存貨	一八三、三八八、二一〇			童	三	二
圖書	一二、七六〇、三七六	衣物	二二六、七三八、九七〇					
儀器	一、五七七、〇六四	其他	五九、二七八、六六〇					
醫藥用品	一、六一三、一〇〇	合計	一、四一九、一二三、〇二四					

峽江縣抗戰財產間接損失值

機關團體損失	類別		價 值 (元)	
	類別	價	值 (元)	類別
營業部	遷移費	一〇四、六三七、四〇〇		救濟費
	防空設備費	九八、五一〇、〇〇〇		合計
份損失	疏散費	八、五五六、〇〇〇		
	可能生產額減少	五九九、九九一、〇〇〇		防空費
總和	可獲純利額減少	二九五、三七〇、〇〇〇		救濟費
	拆遷費	二九、〇五〇、四〇〇		合計
一、一七六、四四一、二〇三				九四六、四九七、二九三

跋

右玉峽公餘錄施縣長望雲宰峽之第二年所輯僚佐士紳之作也其間學術文藝以類相從編既竟命予識其尾予竊惟世道之衰由風俗之不競而風俗之壞則在上者之不能領率而教化之也苟有賢者為之倡則斯民之從有不如響之應聲影之隨形者乎縣長雅好文學公務之暇時一秉筆而僚佐士紳從而和之所謂上有好之者下必有甚焉者觀於此益可知矣語曰子帥以正孰敢不正然則斯編之輯殆將使峽境之內家絃而戶誦也邪雖然文詞末技也吾知縣長將推而至於政教以俾益於世道人心國計民生者方大區區此編豈足以盡其蘊哉編末敵寇竄峽九日記及損失表尤怵目驚心所以使人感傷悲憤警惕而激厲者深切著明移易風俗扶植世道此其權輿歟予不敏廁於僚佐之末幸獲與於斯役承命不敢

辭因以所見者附於後且以記感云爾民國三十五年二月杪宜春
徐霖書

82

082102